



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 203 (12.764)

Баҳоси эркин нарҳда

ПОЙТАХТНИНГ БИР КУНИ



Пойтахтимизда «Artel» маҳсулотларининг доимий кўргазма-савдоси ва сервис хизматлари маркази ишга туширилди. Бунинг учун 6,5 миллиард сўмлик инвестиция жалб этилиб, салкам 180 иш ўрни яратилди.

ЯНГИ СЕРВИС МАРКАЗИ ИШГА ТУШДИ

Шу муносабат билан ташкил этилган тадбирда «Ўзэлтехсаноат» акциядорлик компанияси раисининг ўринбосари Ж.Исмоилов ва бошқалар Президентимиз Ислоҳ Каримов раҳнамолигида саноатни ривожлантириш, унинг юқори технологияли тармоқларини йўлга қўйишга эътибор қаратилаётгани туфайли тайёр маҳсулотлар, бутловчи буюмлар ва материаллар ишлаб чиқаришни маҳаллийлаштириш дастури изчиллик билан амалга оширилаётганини таъкидлади.

Бу жараёнда қўлай ишбилармонлик ва инвестиция муҳити яратилгани истисноблди лойиҳаларни муваффақиятли рўйбга чиқариш имконини бермоқда. Натижада саноат жадал ривожланиб, кўплаб янги турдаги маҳсулотлар ишлаб чиқариш ўзлаштирилмоқда. «Ўзбекистонда ишлаб чиқарилган» белгилли озиқ-овқат, кийим-кечак ва маиший техника воситалари ички ва ташқи бозорга кенг миқёсда етказиб берилмоқда. Хусусан, жорий йилнинг биринчи ярмида электр духовка, газ ва электр плиталар, кондиционер сингари ўнлаб турдаги маҳсулотлар маҳаллийлаштирилди. Натижада умумий қиймати 1,2 триллион сўмлик маҳсулотлар етказиб берилиб, импорт ўринини бошиш самарадорлиги 500 миллион АҚШ долларидан ошди.

«Artel» бренди остида тақдим этилаётган маиший техника воситалари ҳам истеъмолчилар талабини тўлиқ ҳисобга олгани боис ички бозорда ўз харидорини топмоқда.

Шуни қайд этиш зарурки, компания истеъмолчиларга енгил ва содда бошқариладиган, уй юмушларини бажаришда самарадорлиги юқори бўлган кўплаб турдаги маиший техника воситалари

рини етказиб бермоқда. Шу йилнинг ўтган даврида етти хил ҳажм ва русумдаги музлаткичлар ишлаб чиқариш ўзлаштирилди. Бундан ташқари, турли конфигурациядаги смартфон ва мобил телефонлар ишлаб чиқарилмоқда.

Маҳсулотларимизнинг сифатлилиги, тежамкорлиги, қўлайлиги ва нисбатан арзонлиги уларнинг рақобатбардошлигини таъминламоқда, дейди ЎЗА муҳбирига «Artel» сервис маркази директори Фарҳод Адхамов. Харид қилинган маҳсулотларнинг 3 йилга кафолатлангани ва сервис хизмати йўлга қўйилгани истеъмолчиларга маъқул келаётди. Шу боис маҳсулотларимизга бўлган эҳтиёж ортиб, улар маҳаллий бозордан мустаҳкам жой олмоқда.

Айни пайтда компаниянинг ҳар бир вилоятда икитадан сервис маркази мавжуд бўлиб, улар замонавий жиҳозланган махсус автомобиллар билан таъминланган. Бектемир туманида ишга туширилган янги марказда ҳар бир буюртмани тез ва сифатли тарзда бажариш учун «онлайн» режимда 24 соат давомида узлуксиз ишлайдиган алоқа маркази ташкил этилди. Сервис марказида тузилган маҳсулотларни назорат қилувчи мустақил лаборатория фаолияти ҳам йўлга қўйилди.

Ўзбекистонда ишлаб чиқарилаётган, «Artel» бренди туширилган замонавий кўринишдаги, юқори қувватли ва рақобатбардош маиший техника воситалари истеъмолчилар талабини қондириш ҳамда маҳсулот таннархини арзонлаштириш орқали халқимиз фаровонлигини оширишга хизмат қилмоқда.

Сайёра ШОЕВА

ҲУКУМАТЛАРАРО КОМИССИЯ МАЖЛИСИ

Пойтахтимиздаги Халқаро ҳамкорлик марказида Иқтисодий ҳамкорлик бўйича Ўзбекистон – Грузия ҳукуматлараро комиссиясининг навбатдаги мажлиси бўлиб ўтди.

Тадбирда икки мамлакатнинг ташқи иқтисодий алоқалар, савдо, саноат, транспорт ва транспорт коммуникациялари, сайёҳлик, метрология, спорт каби соҳаларга масъул вазирлик ва идоралари, фирма ва компаниялари вакиллари иштирок этди.

Ўзбекистон Республикаси ташқи иқтисодий алоқалар, инвестициялар ва савдо вазирининг ўринбосари, комиссия ҳамраиси И.Эргашев Ўзбекистон билан Грузия ўртасидаги алоқалар 1995 йилда имзоланган Дўстлик ва ҳамкорлик тўғрисидаги шартнома руҳида ривожланиб бораётганини таъкидлади.

Мамлакатларимиз иқтисодий ҳамкорлиги эркин савдо, сармояларни ҳимоялаш ва рағбатлантиришга доир қатор ҳужжатларга асосланади.

Грузия иқтисодиёт ва барқарор ривожланиш вазирининг ўринбосари, комиссия ҳамраиси М.Жанелидзе Ўзбекистон Грузиянинг муҳим савдо-иқтисодий ҳамкорларидан эканини алоҳида таъкидлади.

Ўзбекистон – иқтисодиёти барқарор ривожланаётган мамлакат, – деди М.Жанелидзе. – Ўзаро манфаатдорлик ва дўстлик тамойилларига асосланган муносабатларимиз изчил тараққий этмоқда. Мамлакатларимиз ўртасидаги ҳамкорликни янада кенгайтириш учун имкониятлар кўп. Мунтазам ўтказиб келинаётган мазкур комиссия мажлиси ўзаро савдо-иқтисодий ва сармоявий ҳамкорликни янада ривожлантиришга хизмат қилмоқда. Темир йўл транспорти, сайёҳлик, маданият ва спорт соҳаларидаги ўзаро алоқаларимизни янада ривожлантириш, сармоявий қўшма лойиҳаларни амалга ошириш ниятидамиз.

Ҳукуматлараро комиссия мажлисида Грузия делегацияси Ўзбекистонда амалга оширилаётган иқтисодий ислохотлар, хусусийлаштириш жараёни, «Навойи», «Ангрен» ва «Жиззах» индустриал зоналарида сармоядорлар учун яратилган қўлай имкониятлар билан таништирилди. Савдо-иқтисодий, сармоявий, транспорт ва транспорт коммуникациялари, сайёҳлик, маданият ва спорт каби соҳалардаги алоқаларни янада кенгайтириш, истиқболли лойиҳаларни ишлаб чиқиш ва амалга ошириш каби қатор масалалар муҳокама қилинди.

Нодира МАНЗУРОВА,
ЎЗА муҳбири



МАМЛАКАТИМИЗДА

• Тадбиркорлар ва ишбилармонлар ҳаракати – Ўзбекистон Либерал-демократик партияси Қорақалпоғистон Республикаси кенгашининг конференцияси бўлиб ўтди. Партиянинг навбатдаги съездида делегатлар сайлаш масаласи муҳокама қилинган тадбирда Ўзбекистон Республикаси Олий Мажлиси Қонунчилик палатаси, Қорақалпоғистон Республикаси Жўқорғи Кенгеси, маҳаллий кенгашларга партиядан сайланган депутатлар, бошланғич партия ташкилотлари раҳбарлари ҳамда оммавий ахборот воситалари ходимлари иштирок этди.

• Ўзбекистон Экологик ҳаракати Навоий вилояти ҳудудий бўлимининг Ўзбекистон Республикаси Олий Мажлиси Қонунчилик палатаси депутатлигига номзодлар кўрсатиш ва уларни сайлаш бўйича Экоҳаракат конференциясига делегатлар сайлаш конференцияси бўлиб ўтди.

• Жиззах вилоятида 2014 йилнинг ўтган даврида 33,1 миллион АҚШ долларлик маҳсулот экспорт қилинди.

• Бухоро вилояти ҳокимлиги ташаббуси билан «Давлат тили ҳақида»ги қонун қабул қилинган кунга бағишлаб «Тил бор экан, миллат яшайди» шиори остида маданий-маърифий тадбир бўлиб ўтди. Тадбирда кенг жамоатчилик вакиллари, ўқитувчилар, умумтаълим мактаблари, ўрта махсус, касб-хунар таълими муассасалари ўқувчилари иштирок этди.

• «Фарзанд табассуми — оила қувончи» деб номланган хайрия акцияси доирасида Фарғона вилояти болалар кўп тармоқли тиббиёт марказида Ўзбекистон ва хорижлик шифокорлар туғма нуқсон бўлган бемор болаларни тиббий кўриқдан ўтказди. Кўрик натижаларига кўра, ахволи бир мунча оғир деб топилган болалар жарроҳлик йўли билан соғломлаштирилди.

ЖАҲОНДА

• Жаҳон Соғлиқни Сақлаш Ташкилоти Нигерияни Эбола безгагидан холи мамлакат деб ҳисоблаши ҳақида маълум қилди. ЖССТнинг таъкидлашича, кейинги олти ҳафта давомида Нигерияда ушбу оғир хасталикнинг бирорта ҳолати ҳам аниқланмаган. Таъкидлаш жоизки, бугунги кунга қадар Фарбий Африкада 4,5 мингдан ортиқ киши Эбола безгагининг қурбони бўлган.

• Япония ҳукумати Жанубий Судандаги БМТ тинчликпарвар кучлари таркибидаги ўзини ўзи мудофаа қилиш кучларининг ушбу мамлакатда бўлиш муддатини 2015 йилнинг февралига қадар узайтириш ниятида эканлигини маълум қилди.

• Кеча Москвадаги «Внуково» аэропортида парвозга қўтарилиш чоғида енгил моторли Falcon-50 самолёти ҳалокатга учраган. Унинг бортидаги барча тўрт нафар одам — битта йўловчи ва учта экипаж аъзоси ҳаётдан кўз юмган. Дастлабки таҳминларга кўра, ушбу авиаҳалокатга самолётнинг қордан тозаловчи комбайн билан тўқнашиб кетиши сабаб бўлган.

Хабар қилинганидек, 2014 йилги сайловни ёритиш бўйича республика матбуот марказида Ўзбекистон Республикаси Олий Мажлиси Қонунчилик палатаси депутатлари сайловни бўйича округ сайлов комиссиялари, вилоятлар ва Тошкент шаҳар сайлов комиссиялари раислари учун семинар бўлиб ўтди.

Сайлов — 2014

САЙЛОВ КОМИССИЯЛАРИ РАИСЛАРИ УЧУН СЕМИНАР

Унда, шунингдек, Ўзбекистон Республикаси Марказий сайлов комиссияси аъзолари, Ўзбекистон Республикаси Президенти ҳузуридаги Давлат бошқаруви академияси ходимлари, миллий экспертлар, оммавий ахборот воситалари вакиллари иштирок этди.

Семинар сайлов комиссиялари раисларининг миллий сайлов қонунчилиги ва уни амалда қўллаш, сайловга тайёргарлик кўриш ва уни ўтказиш бўйича комиссиялар фаолиятини тўғри ташкил қилиш, улар олдида турган долзарб вазифалар, шунингдек, сайлов комиссияларини молиялаштириш тартибига катъийриоя этиш тўғрисида хабардорлигини

янада ошириш мақсадида ўтказилди.

Марказий сайлов комиссияси раиси М.Абдусаломов семинарни очар экан, мамлакатимиз парламенти ва давлат ҳокимияти вакиллик органларига сайлов миллий сайлов қонунчилиги, унда мустаҳкамланган очкилик, ошқоралик ва адолатлилиги принципларига, шунингдек, 2014 йилда Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашлари сайловига тайёргарлик кўриш ҳамда уни ўтказиш бўйича тадбирлар дастурига тўлиқ мувофиқ равишда ташкил этилиши ва ўтказилишини таъкидлади.

(Давоми 2-бетда)



21 октябрь — Ўзбекистон Республикасининг давлат тили ҳақидаги қонуни қабул қилинган кун

ТИЛ — МИЛЛИЙ ҒУРУРИМИЗ

Ўзбекистон Республикасининг давлат тили ўзбек тилидир.

Ўзбекистон Республикасининг Конституцияси 4-моддасидан.

Ўзбек тилига давлат тили мақомининг берилиши ва ҳар йили 21 октябрнинг мамлакатимизда тил байрами сифатида кенг нишонланиши она тилимизга бўлган чексиз ҳурмат, маънавиятимизга, миллатимизга бўлган юксак эътибор намунасидир.

Президентимиз Ислоҳ Каримов раҳнамолигида қабул қилинган Ўзбекистон Конституциясида ўзбек тилининг давлат тили сифатидаги мақоми ҳуқуқий жиҳатдан белгилаб берилган, унинг мавқеи мустаҳкамланган. Она тилимиз мустақил давлатимизнинг байроғи, герби, мадҳияси каби қонун йўли билан ҳимоя қилинадиган муқаддас тисолларидан биридир.

Шу кунларда барча умумтаълим мактабларида ўтказилаётган «Она тили ва адабиёти» фан ойлиги муносабати билан ўғил-қизлар онгу шуурига миллий истиқлол ғояси ва умумбашарий қадриятларга, шу жумладан, она тилига меҳр-муҳаббат, Ватанга

салоқат, миллатлараро бағрикенглик каби юксак туйғуларни сингдиришга алоҳида эътибор қаратилмоқда.

Пойтахтимизнинг Сергели туманидаги 6-ихтисослаштирилган умумий ўрта таълим мактабида ҳам бошланғич синф ўқувчилари учун «Ўзбек тилини ўрганамиз», «Она тилим — жону дилим» каби мавзуларда тадбирлар, юқори синф ўқувчилари учун «Тил — миллат кўзгуси», «Тил бойлиги — эл бойлиги», «Миллий қадриятлар — муқаддас», «Она тили ва адабиёти билимдонлари беллашуви», «Тил борки, миллат ўлмайди» каби мавзуларда адабий кечалар, давра суҳбатлари ўтказилаётди.

(Давоми 2-бетда)

Пойтахтимизда дзюдо бўйича Гран-при туркумига кирувчи халқаро турнир якунланди.

Дзюдо

ДЗЮДОЧИЛАРИМИЗ КУЧЛИЛАР САФИДА

Халқаро дзюдо федерацияси шафелигида Ўзбекистон Республикаси Маданият ва спорт ишлари вазирлиги, Миллий олимпия кўмитаси ҳамда мамлакатимиз дзюдо федерацияси томонидан ташкил этилган мазкур нуфузли турнирда 42 давлатдан 280 нафардан зиёд полвон иштирок этди.

Президентимиз Ислам Каримов раҳнамолигида мамлакатимизда спортни ривожлантиришга қаратилган юксак эътибор самарасида ўзбек дзюдо мактаби жаҳонда етакчилар қаторига қўшилди. Юртимизда камол топган дзюдо усталари Олимпия ва Осиё ўйинлари, қитъа ва жаҳон чемпионатлари, йирик халқаро мусобақаларда муносиб иштирок этиб, юқори натижаларга эришадилар.

«Ўзбекистон» спорт мажмуасида бўлиб ўтган мусобақанинг вази 66 килограмм бўлган полвонлар баҳсида икки

кара жаҳон чемпиони, Пекин ва Лондон Олимпиадалари совриндори Ришод Собиров туркиялик Синан Сандал, италиялик Элио Верде, беларуслик Дмитрий Шершан, россиялик Денис Лавренцев ва муъаллим Алтансух Довдонни енгиб, мусобақанинг олтин медалига сазовор бўлди.

Мусобақада ғолиб чиққанлардан хурсандман, дейди Ришод Собиров. Ниятим, навбатдаги йирик турнирларда муносиб иштирок этиб, 2016 йили Бразилиянинг Рио-де-Жанейро шаҳрида бўлиб ўтадиган XXXI ёзи Олимпия ўйинларига йўлланма олишдир.

Полвонларимиздан Дирбек Урозбоев ва Яхё Имомов кумуш медални қўлга киритган бўлса, Шаҳзод Собиров, Рамзиддин Саидов, Элёр Машарипов бронза медал билан тақдирланди.



Шу тариқа нуфузли турнирда мамлакатимиз терма жамоаси аъзолари битта олтин, иккита кумуш ва учта бронза медалга жамғариб, умумжамоа ҳисобида учинчи ўринни эгаллади.

Ж.ТОШЎЖАЕВ,
ЎЗА муҳбири
Ислам Исмоилов олган сурат

«ЎЗБЕКИСТОНДАГИ НОЁБ МЕЪМОРИЙ ЁДГОРЛИКЛАР ЖАҲОН МАДАНИЯТИНИНГ ГАНЖИНАЛАРИДИР»

Германиянинг Бонн, Мюнхен ва Оберхаузен шаҳарларида мамлакатимиз мустақиллигининг йигирма уч йиллигига бағишланган қатор маданий тадбирлар бўлиб ўтди. Улар мамлакатимизнинг Берлиндаги дипломатия ваколатхонаси, Бонн шаҳрида жойлашган Германия – Ўзбекистон дўстлик жамияти ва Германиянинг «Silk Road Company» ижтимоий-маданий ташкилоти ҳамкорлигида ташкил этилди.

Германиянинг расмий, академик, ишбилармон доиралари ва жамоатчилик вакиллари, журналистлар ҳамда ГФР олий ўқув юртлирида таҳсил олаётган ўзбекистонлик талабалар ўшбу тантанали тадбирларнинг иштирокчилари бўлдилар.

Мазкур тадбирлар доирасида Ўзбекистон сайёҳлик салоҳиятининг тақдироти уюштирилган билан бирга республикамизнинг тарихи ва замонавий тараққиёти ҳақида ҳикоя қиладиган ҳужжатли фильм ҳамда Тошкентдан келган «Мумтоз наво» мусиқа гуруҳининг маданий дастурлари ҳам намойиш қилинди. Улар немис жамоатчилиги томонидан юқори баҳолаб сазовор бўлди. Тадбир иштирокчиларининг «Жаҳон» ахборот агентлиги мулоҳизасига берган интервьюлари ҳам бу фикрни тасдиқлайди.

Ўзбекистон улкан маданий — тарихий меросининг соҳибидир, — деди «Kulturring in Berlin» маданий ташкилотининг директори Алина Пётцольд. — Мамлакатимиз бағрида жойлашган ноёб меъморий ёдгорликлар жаҳон маданиятининг ганжиналари ҳисобланади. Шуниси диққатга сазоворки, юртингизда ўшбу бебаҳо дурдоналарни авайлаб асраш масаласига алоҳида эътибор қаратилмоқда.

Улкан сайёҳлик имкониятларига эга бўлган республикамизга учун туризм инфратузилмасини янада ривожлантириш муҳим аҳамият касб этади. Бу соҳа Германия ва Ўзбекистон ўртасидаги муносабатларни чуқурлаштиришдаги истиқболли йўналиш ҳисобланади, деб ўйлайман.

«Friedensdorf International» Халқаро инсонпарварлик ташкилоти вакили Клаудия Пепмюллер эътироф этганидек, Оберхаузенда Ўзбекистон мустақиллиги байрамини нишонлаш яхши аънаъанага айланиб бормоқда.

Биз кўп йиллардан бери соғлиқни сақлаш соҳасида мамлакатимиз билан ҳамкорлик қилиб келмоқдамиз, — деди у. — Қувонарли жиҳати шундаки, ўзаро ҳамкорлигимиз самарали кечмоқда. Биз дунёнинг турли мамлакатларидан, шу жумладан, Ўзбекистондан ҳам бемор болаларни Германия шифохоналарида бепул даволанишлариغا қўмалашамиз. Ўзбекистонлик барча болаларимизга мустахкам саломатлик, бахту қўл ва фаровонлик тилайман.

«AWO München» хайрия ташкилоти ходими Майке Хессель мамлакатимизга бағишланган мазкур кеча қатнашчилар билан жуда гавжум бўлганлиги Германия жамоатчилигида ўзбек халқининг маданиятига нисбатан катта қизиқишининг мавжуд эканлигини далолат беришини айтди.

Мамлакатимиз сайёҳлик салоҳиятининг тақдироти ҳамда ўзбек санъаткорларининг ашула ва рақслари бизда унутилмас таассуротлар қолдирди, — деди у.

Бонн ва Бухоро ҳамкор шаҳарлар ҳисобланади, — дейди Бонн шаҳри маъмуриятининг халқаро ва глобал барқарорлик бошқармаси бошлиғи Штефан Вагнер. — Ўзаро шериклигимиз ҳамиса қизғин ва самарали бўлган. Ишоним комилки, Бонндаги Германия — Ўзбекистон дўстлик жамиятининг қўллаб-қувватлаши билан икки ҳамкор шаҳар ўртасидаги ўзаро муносабатлар бундан кейин ҳам таъриқий топади. Сўнгги пайтларда икки томонлама муносабатлар барча даражаларда фаоллашиб бораётганини кузатмоқдамиз.

Мен Ўзбекистоннинг катта муҳлисиман, — дейди «Silk Road Company» ижтимоий-маданий ташкилотининг директори Герхард Биркль. — Мамлакатимиз бўйлаб кечган кўплаб сафарларим натижаси ўлароқ, Ўзбекистон тарихи, маданияти, бой сайёҳлик салоҳияти ва замонавий тараққиётига оид электрон ахборот базасини тузганман. Умид қиламанки, бу ишим Европа жамоатчилигини Ўзбекистоннинг бой маънавий, илмий ва сайёҳлик салоҳияти билан таништириш ишига камтарона ҳисса бўлиб қўйилади.

«Жаҳон» АА
Берлин



Асқар Ёқубов (ЎЗА) олган сурат

Фестиваллар

КАМАЛАК ЖИЛОЛАРИ

Айни кунларда шаҳримиз туманларида ўтказилаётган «Камалак юлдузлари» фестивали баркамол авлоднинг иқтидорини шакллантириш ва ўстиришда муҳим омил бўлмоқда.

Фестивалда 6-14 ёшгача бўлган истеъдодли ёшлар турли мавзулардаги ижодий ишлари билан қатнашмоқда.

1-Болалар мусиқа ва санъат мактабида «Камалак юлдузлари» фестивалининг Юнусобод туман босқичи ҳам ўзига хос тарзда ўтди.

Тадбирда Юнусобод туманидаги 38 та умумтаълим ва 6 та болалар

мусиқа ва санъат мактабидан 203 нафар иқтидорли ўқувчилар олти йўналиш, 37 жанрда ўз маҳоратларини намойиш қилди.

Мен расм чизишни жуда яхши кўраман, — дейди 26-мусиқа ва санъат мактаби ўқувчиси, 11 ёшли Комила Сағатова. — Ушбу фестиваль менга жуда ёқди, кўпчиликлари билан бўлиб ўтди, кўпчиликлари билан бўлиб ўтди, кўпчиликлари билан бўлиб ўтди.

этса танловнинг шаҳар ва республика босқичларида ҳам иштирок этишга интилаяпман.

— Фестивалда она-Ватан, табиат, тинчлик, болалик каби мавзуларда ясаган ҳайкалчаларим билан иштирок этаёпман. Келажакда яхши ҳайкалтарош бўлмоқчиман, дейди 265-мактабнинг 4-синф ўқувчиси Акбаржон Низомов.

Фестиваль якунида 35 нафар истеъдодли болалар ғолиб деб топилди, «Камалак юлдузлари» ижодиёт фестивалининг шаҳар босқичига йўлланма олишди.

Ҳа, ҳар бир боланинг ўз орзулари бор. Ана шу бегубор орзулар уларни юксак парвозларга қорлайди. Мазкур фестиваль ҳам болалар орасидан энг иқтидорлиларни саралаб олиш имконини бериш баърида, уларни ўз устидарида янада кўпроқ изланиб, интилишга қорлайди.

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

№	Таълим муассасаси номи	Манзили
Маънавий-маърифий ишлар бўйича директор ўринбосари		
1.	Тошкент гидрометеорология касб-хунар коллежи	Шайхонтоҳур тумани, Тахтапул кўчаси 45-уй

Малака талаблари: ижтимоий фанлар бўйича ёки педагогик олий маълумот, таълим тизимидаги (педагогик, ўқув услубий, бошқарув фаолияти) иш стаж 5 йилдан, малакавий даражаси катта ўқитувчидан кам эмас.

№	Таълим муассасаси номи	Манзили
Ўқув ишлари бўйича директор ўринбосари		
1.	Тошкент гидрометеорология касб-хунар коллежи	Шайхонтоҳур тумани, Тахтапул кўчаси 45-уй

Малака талаблари: академик лицей, касб-хунар коллежининг таълим йўналишларидан камид биттаси бўйича ёки умумтаълим фанлари бўйича олий маълумот (маданият, спорт ҳамда табиёт соҳаси бундан мустасно) таълим тизимидаги (педагогик, ўқув услубий бошқарув фаолияти) иш стаж 5 йилдан, малакавий даражаси катта ўқитувчидан кам эмас.

Танловда қатнашиш учун қуйидаги ҳужжатлар тақдим этилади:

1. Ўрта махсус касб хунар таълими ҳудудий бошқармаси бошлиғи номига ариза.
2. Сўровнома (справка-объективка)
3. Таржимаи ҳол.
4. Олий маълумот ҳақидаги диплом нусхаси.

5. 3x4 ўлчамли 6 дона фотосурат.
6. Паспорт (нусхаси)
7. Илмий даража ва илмий унвони (мавжуд бўлса) ҳақидаги ҳужжатларнинг нусхалари.
8. Илмий - услубий ишлар ва ихтиролар рўйхати (мавжуд бўлса). Ҳужжатларнинг асл нусхалари шахсан номзодлар томонидан кўрсатилади.

Ҳужжатлар эълон чиққан кундан бошлаб бир ой мобайнида қабул қилинади.

Мурожаат учун манзил: Тошкент шаҳри, Шайхонтоҳур тумани, Тахтапул кўчаси, 45-уй. Мўлжал: 4-сон болалар юқумли касалликлар шифохонаси. Тел: 241-40-13

Тел: 241-40-13

«101»

ҲАМКОРЛИҚДА ҲАРАКАТ ҚИЛАЙЛИК

Ёнғинлар сабабли ҳар йили дунё бўйлаб минглаб одамлар бошпанасиз қолади, кўплар саломатлигидан айрилади, бировлар ҳаётдан бевақт кўз юмади. Ишлаб чиқариш корхоналари ва турли ташкилотлар биноларида содир бўладиган ёнғинлар эса кишиларнинг самарали меҳнат фаолиятига зарар етказиб, шу орқали иқтисодиётга ҳам салбий таъсир кўрсатади.

Тахлиллар натижасида шу нарсга амин бўлишмоқдаки, айрим уй бекалари хоналарни табиий газда ишлайдиган ошхона газ плиталарини ёқиб қўйиб орқали иситишмоқда. Айнакча, кечаси ёқилган ҳолда қолдирилган газ плитаси ёнғин чиқишига асосий сабаб бўлади.

Ана шундай кўнгилсизликларга йўл қўймаслик учун ҳар биримиз ёнғиннинг олдини олиш мақсадида фаол ҳаракат қилишимиз зарур. Хусусан, ёнғин хавфсизлиги хизмати ходимлари оловни жойлаш шартидан аҳоли ўртасида тушунириш ишларини олиб бормоқда. Улар фуқароларимизга ёнғинларнинг келиб чиқишида кишиларнинг бепарволиги асосий сабаб бўлаётганини — лоқайдлик сабаб уй-жойлар қуйиб қўлга айланаётганини мисоллар ёрдамида тушунириб бермоқдалар. Бундай офатдан қутулиш учун кўп нарсга керак эмас — хавфсизлик қоидаларига тўлиқ риоя қилиш, лоқайдликка берилмаслик кифоядир.

Ғуломжон ПИРМАТОВ,
28-ХЕҲК кичик инспектори, кичик сержант

Тошкент Оқшоми

Манзил: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар 233-28-95
Факс: (371) 233-29-55

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рухсатга олинган

Ҳажми — 2 босма табоқ, офсет усулида босилади.
5720 нусхада босилди.
Қозғоқ бичими А-2

Нашри етказиб бериш масалалари бўйича турар жойлардаги почта бўлимларида ёки «Тошкент почтаменти»га — 233-74-05 телефонига мурожаат қилишингиз мумкин.

Газета таҳририят компьютер марказида терилди ва саҳифаланди.

«Шарқ» нашриёт-матбаа акциядорлик
компанияси босмохонаси. Корхона
манзили: Буюк Турон кўчаси, 41-уй

Баш муҳаррир
Акмал АҚРОМОВ

МУАССИС: ТОШКЕНТ ШАҲАР
ҲОКИМЛИГИ



Бизнинг электрон манзил:
gazeta-vto@umail.uz

Буюртма Г- 1055

Топшириш вақти: 13.00

Босишга топширилди: 13.50